



✓

淮安詩城

五言律詩卷四

西軒丘象隨季貞訂

靳應昇

三見

秋霜

物候當霜降金天令轉強
江楓一夜赤園菓滿林
黃殺氣橫平陸寒威下
大荒低回看百草可復恃
朝陽

秋稼

在昔兵戈後耕農幾戶存
腰鎌呼婦子餘穗及雞

豚莫慮官符急終沾后土恩幸逢秋事好圍坐共
盤殮

秋閨

未卜防秋客今宵何處身
画樓衾篔簹薄涼月剪刀
頰角吹驚殘夢雞聲念遠人
空房憐隻影凝涕一
沾巾

秋雁

迢遞分南北頻年爾慣過
稻梁新日月風景舊山
河振羽嫌霜重長鳴帶月多
涼颺吹不散羣處欲
如何

秋棠

却是真憐惜非關花有香
多情含宿雨無力向晨
光小院嘗侵坐深閨喜近妝
如何霜露集風采亦
淒涼

秋草

霜氣橫秋塞披靡萬草枯
平原藏狡兔廣漠走韓
盧零露仍前白悲風過更孤
何堪當落日千里向
荒蕪

贈楊太常

太常蜀人名正經字懷玉先官寧遠副將以精音律為先帝所知

遂內調改中書隨晉太常正樂當帝意賜以唐琴國變漂流江湖襍被零竹獨抱琴不置造二曲一思君日西方操一思親日風木操悲音凄絕余感而賦其事

當年推典樂便殿沐殊恩誰意新裁曲空傷古帝

冤座人皆色慘野老獨聲吞不遇同心客擁琴只

掩門

又

端委彈新操星辰盡次寥江鴻迷故里山鬼弔前

朝十載君恩渥孤身旅夢遙冰絃欽御寶不敢傳

萍飄

賦得秋天不肯明

帶甲方盈宇平沙幾幕屯黃雲遮壁壘黑霧沒川

原鵬且曾頻叫銀河空復存枕戈寧貼席長嘆望

朝暾

寄徐大拙

今日談風雅新詩獨老成無家徒覓字有地未能

耕似爾終何事宜人俱不平聞歸猶力疾蕭索掩

柴荆

寄黃甫及

前歲冰初結君曾返故鄉身同千里客酒卧一船
霜別去遊何地人來字幾行白門春事好相約許
登床

寄梁仲才公秋

君家兄與弟小隱射陂湖秋水收菰蔣春風聽鷓
鴒鄰惟尋釣叟夢不到皇都未識悲歌日離騷有
註無

又

客來頻問訊知爾得閒居種秫宜供酒逃名莫著
書解天星斗暗歌哭弟兄餘無恙一湖水晨昏且
釣魚

貧女

未敢爭羅綺低頭只自憐鏡中殊我艷門外看人
妍永夜空長嘆寒燈祇獨眠三春尤命薄憔悴百
花前

又

美髮猶須剪安能復靚粧避人頻展鏡對月但縫

裳○真色胭脂少○貧家媒妁涼○夜深寧罷績○終不借
餘光○

和張虞山雪興

荒村三日雪相對反愁多飛鳥迷平楚寒漸下大
河暫宜傾濁酒未敢卽高歌試看門前路幽人幾
個過

又

如斯三尺雪茅屋亦增高向婦謀沽酒低頭笑敝
袍誰云僵卧苦翻省出門勞時命吾須遣無爲嘆

二毛

瓜步道中

曉氣清如沐秋風客袂西江光懸木杪沙徑澁驢
蹄古拙村中樹參差午後雞山從仄路折到處看
棠梨

張養重

四見

秋日過訪丘季貞西軒

正是花開日秋風莫掩門有人來看菊無事且傳
樽掃葉疏山徑吟詩坐樹根晚鴉何意緒相對噪

黃昏

冬日田園雜興

古木吹平野南山已罷耕
依墻屯犢豕就日補柴
荆開瓮當蔬熟呼隣遣
稚迎明朝傳社臘比戶各
歡聲

宿儀真江口

今夜真州渡扁舟繫荻蘆
暮潮平岸長冬月到江
孤沙白奔楊子烟青入
上都蒼茫纔對此感慨不
能無

燕子磯遇雨

漠漠烟光裡寒潮雜雨來
萬山同一氣百里到孤
臺石燕排空舞江鼉撥浪
開誰云斯地險鐵鎖竟
成灰

閻修齡

字再彭號容菴別號飲牛叟山陽人與
蘄茶坡張虞山為世外交間若禪侶靜
如處子去城西四十里小築一蒲菴朝
夕行吟介然自守不趨流俗其詩高潔
無烟火氣不減唐之儲王著有秋心秋
觴冬涉影閣諸集行世尤工花間草堂
諸闕舊刻有青谿怨感青姬作也一時
和者如雲樂府五七言古詩秘不肯出
俟二集載索與天下共見

一蒲菴納涼

到此離城郭紅蓮小徑長
香蔬烹苴莢新水試茶
槍幾日慳風雨誰人足
稻梁一匙嘗愧飽散髮話
羲皇

燕子磯阻風

蒼茫浮一水悵望此江天
積雪山藏樹懸崖夜聚
船鐵沉王濬鎖岸隔廣陵
烟徙倚空亭上孤情冷
月邊

喜鄭掌和梅杓司杜蒼畧見訪

三子臨溪水侵晨扣我門
風霜人盡苦冰雪卷常
存吳楚傳烽燧漁樵總弟
昆低回芳草路猶識六
朝恩

走別張文寺杜于皇蒼略因登雞鳴山

雪霽人歸急踟躕別友生
衝風尋釣港匹馬向臺
城廟闕非前代山川嘆遠
征太平堤柳在蕭颯不
勝情

寓崇福觀雨夜懷靳茶坡

疾風三日吼一雨遂連江
古廟窳根老清鐘夜半

撞鼠窺寒灶瓮重響旅人牕賴有君詩好愁心且暫降

月華山夕眺

環城峰四出秋色晚烟中落日空江白歸雲野寺紅人家背樹橋山壁亂鳴虫倚眺多幽勝遊踪恨未窮

王默生靳茶坡張虞山過訪一蒲菴

蛙吠沙田港懷人雨一樓雲陰愁夜月灘响敵高秋入寺花前酒到門湖上舟新荷香正好夕影共

淹留

悼鶴

鴻爪空留跡薜蘿蕪春水生前猶迎客舞忽作斷腸聲千歲知堯曆孤飛返蜀城最憐餘隻影翹首暮雲平

咸

默

字大咸山陽人從師蘿石燕邸負骸骨歸此張毅甫之流也其自刻舟車草有張受先吳駿公序之甚悉

贊明墓

贊明下邳諸生國變南拜痛哭自縊

委命荒山日明明孤憤深傳文遺野哭碑碣表寒

林聲義分天地風期立古今不知君大節調有好
名心

紀木君到園中

正在思君日重陽喜到園肯同村榻宿務盡草堂
言秋雨寒生酒黃花色照門欣然賓主外交道可
無論

驢背

天曉催裝去焉知抱旅愁蟲鳴南浦路雁渡北河
洲轉谷雨過嶺穿林樹落秋何時棲一壑深入罷

閒遊

竹病

頓覺春光減非同舊日看水雲憐影瘦風雪苦聲
乾高節持危易虛心強立難幽窗如有托相對幾
成嘆

夜渡

時正催行客潛身渡古灣荒雞驚漢月邊馬亂秦
關出浪舟知險經霜路更艱但思長此去聲影落
空山

哭戴半山

知交俱散盡又道死君身白髮才名賤霜衣孝子
貧幽文鐫石久野草結墳新只有南園淚無言暗
落頻

宋

曹三見

曉行

回首聽來雁山青白露收天機發木末雲跡長龍
湫道路當知恐黃虞安可謀千峰適人意江上已
深秋

孫

槩

字東澗鹽城人舉崇禎癸未科進士授
上虞令晚年歸隱村居著書自樂

月夜

一月橫天滿秋聲歛夜林有懷千世遠獨立五更
深耳目寒於水山河重欲沉載歌賡復旦望古一
清襟

董

璫

字良合贛榆人

盱山弔故陵

曾孫昔有道天作頌神荒玉碣欹寒草金魚裂繡
章熊羆餘暑冷風雨暗翳藏地下悲龍祖乾坤戰

血黃

又

誰家抔土處矧更逼龍荒祀歿駢剛血歌刪白馬
章臂鷹鞭象仆撤騎逐狐藏冥聚諸靈濶邊雲壓
隧黃

湯調鼎 三見

送朱夏朔之任宛城

又復幾年別乘風涉大江理官親八讞司直尉名
邦行部馬專駟隨車鹿一雙要憑舟作楫莫恃有
徒杠

送李玄暉北上兼訊令弟長文

皇華停夙駕此陪八經霜公等還銀艾詞名遍洛
陽星槎聯北極封事念牂羊仲子如予問爲言卧
藥房

乙未三月二十一日

霜落知時節應消穀雨前如何春欲暮猶見白平
阡陰苦三河積農傷二麥天况無鳩逐婦埃霧起
湖田

張璵若

四見

清河口

漢水時通泗河流不會淮遂無波浪湧還見風沙
埋賈客傷飛鳥長年逐野豺烹魚何處覓彈鋏豈
吾儕

下邳感懷

蒼茫大河洲日落風颼颼有客疑滄澥無人弔碧
流山盤齊魯壯水扼江淮遊立馬圯橋望烟沙莽
未收

又

地是爭雄後沙飛百戰餘右山蟠疊嶂左澤走儲
糈大義存三事寄籌只一書黃河方北去荆莽待
誰鋤

張鎮世

字爾嘗山陽人張養重姪

病起

一月一窺鏡自然頭已星奇書須酒下夜雨挾愁
聽蝶亂莊周夢蒿盈仲蔚庭門前無賴雀睥睨閱
丹經

送友

吾道今如此幽人合選山辭官長揖去荷鍾放歌
還落落百年內亭亭千古間豈因泉石僻所志絕
躋攀

潘尊賁

四見

從軍

掠地饑鷹動攬槍指玉關不辭豺虎窟寧避剪刀
斑馬踏青磷草風催白骨山刀頭功若就華皓恥
生還

初秋病中

何地生芳草飛雲不暫停隱名思栗里入道夢金
庭榆粥春難白葦茅燒尚青餘生同絡緯歲歲感
秋星

卞爲鯨

三見

鬼民

殺戮干天地中原氣不揚空城狐兔窟陰火蒺藜
塲暴骨填枯野招魂落大荒 皇人除樂御哀痛
恤流亾

秦山人作畫

落筆關飛動鵝溪絹獨傳蝶將驚謝逸花亦繼黃
荃絕技存生氣高名盛晚年解衣磅礴致展玩尙
居然

聞蠲賦

詔下五雲端窮簷萬國歡恩非繇汲黯譴不及倪
寬酷吏威將殺流民骨未殘春陵行可哭聞此輟
妻酸

春雨示碩公胡子

畢星何太橫淫雨動經旬莫洗玄黃血常埋日月
輪魚龍矜不夜花草恨無春欲出城南徑淒淒畏
折巾

奇節詩

王心翼先生下邳人也生平寡合獨
與亡友李杜若定交相得歡甚其持
論一軌於正不苟同流俗嘗以天下為已
任憫時病俗三走長安上封事為當事所
抑留中不下時人咸目之為狂痴徒步歸
結廬讀書意將飲其才老其學焉會杜若
不祿先生於邑欲絕相贊撫孤周其喪紀
優孟劉孝標不足多也乙酉之變三日喪
絕粒而死遺命不
葬為之作奇節詩

烈士不包羞清風起濁流孤忠關象緯大義載春

秋臘豈知王氏臣難效楚囚銅仙辭漢事惟子最
心憂

又

軀捐身不辱一死視猶歸縱使鳴金鏑誰能屈布
衣路還高海節采尚鄙山薇赴義如虹渴寥寥史
冊稀

劉何實招飲餘慶堂

快飲真無算銅盤燭淚流卮言堪捉麈觴政類藏
鈎時事鳴金鏑春風冷玉樓平原餘興勇榻更下

南州

嵇宗孟 再見

越南宿前車遙征載懷靡及

遙征明不易繫
維也馬力竭矣

猶有求焉皇皇不
及其遐心我哉

遊子亡羊路人半鹿暘諸生虛禮器五父市壺
漿篋餽窮南服丸泥控大梁漫勞千里自我馬已
玄黃

客延津署

延津古酸棗地蔡邕昔令此又曰
廩延里人好樓居竹苞松茂化爲

蔓草寒烟日中之市聞
足音而喜殊多浩嘆焉

北道皇華館西風酸棗城斷碑周甲子傳食趙東
京野寺狐狸語旗亭瓦釜鳴莫憐生聚少樞府已
銷兵

殷用霖

字靈岩鹽城人

宿白門讀姚秋濤遺稿

十倍曹丕者其才豈世同得官何便死抱志竟長
終愁黯雞鳴月悽號燕子風燈前簡遺草不覺淚
珠紅

陳愷

字威公邳州人

潭影

綠迷春草近萍破鏡開天過鳥微畱點游魚頻感
圓石梁搖夜月沙岸漾朝烟堪否疏煩慮空明溢
水邊

淮陰侯祠

棄楚重來漢登壇獨建旄五年龍竟化四澥鹿全
麀天授人難勝功高罪易遭英雄無限淚坐見灑
霜刀

遠望

遠望愁何盡鄉心落照中浪翻鯨跳雨山暝鬼吹
風祇嘆行無侶惟憐遇轉窮採芳聊作珮願與楚
人同

楊方 三見

薛行塢席上與白仲調彭雲客評文

飲冰方卽熱畫火不知寒險語生眉睫奇文刺背
汗嘯歌天外着消息靜中看相對忘風雨挑燈炙
露殘

阻雨吳江

風雨連江夜空喉幾聲歌木蘭移画舫詩袖刻青
螺若耶溪沉岸寒山石隱荷芙蓉花盡溼駘盪影
如何

蕭夢蘭 再見

廖特生招飲卽事

奇想靈苗合封書代綺桐榴明蒸檻日麥秀捲簾
風豔客隔秋水羈人賦惱公此情誰並熱輕炙酒
花紅

陸吉 再見

庚寅七月二十七日

去歲當今日歡娛報舊期風生花樹動露下草蟲
知梳掌感蓮影裙腰壓帶絲木樨香閣子琥珀穗
燈枝

劉

焜

字七城山陽人

歲暮移居

非不愛修行其如幽興深暫移孤鶴性來聽草堂
音帆影望遠水鐘聲移故林梅花聞漸好相約慰
冬心

張應錫

字兼菴山陽人

至興化府

恬澹非無意緣親到澥天黑人來日本賈客話朝
鮮番秫家家種香柑樹樹懸尸居魚鱉國誰出控
鳴弦

張八壘夜聞笛

人家僻塢裏茅屋受殘暝竹榻蘆英合盤餐鹿肉
分征騎嘶夜月獵火炙山雲羌笛知誰弄憂時嘆
獨聞

李枝翹 三見

秋日寄劉蕃錫

清谿山徑寂，獨坐聽秋聲。
牕外一梧墜，胸中百感生。
鳥飛還極望，書到最關情。
何日扁舟上，江頭共月明。

夏貽典

字而有，鹽城人。

西林

步屨深林晚，徐行得自娛。
竹光團野色，花蕊上蜂鬚。
過懶從衣結，吟詩信杖扶。
莫須驚白鷺，似欲慰窮途。

窮途

張新標

字鞠存，山陽人。

秋日雨中雜咏

門掩疎桐靜，忘情付鹿焦。
浮雲澹白日，繁雨響寒潮。
吾道貧堪慰，中原戰未消。
秋風江上濶，簑笠足漁樵。

又

荒廬成澤浦，繫馬逼庭除。
近市喧爭米，空階欲上魚。
曠懷招隱賦，縱讀反騷書。
有客寒帷過，呼童且

摘蔬

送宋荔裳兵備秦州

歲晏難爲別，嗟君萬里行。
風沙迷北望，雨雪賦西征。
華嶽連秦塞，黃河遶渭城。
蕭蕭驅馬後，心伏蒯緱明。

又

邊隅名勝地，自古說秦州。
野竹連雲合，清泉映日流。
西風漳水渡，明月石門秋。
到處經題遍，單車屬壯遊。

劉芳聲

三見

夜抵安肅

荒原行跡寘，顧僕屢相驚。
樹立寒無影，鴻歸夕有聲。
到城殘火暗，隔岸積沙明。
寂寞郵亭客，含悽萬里情。

柬卞友龍

幽居雖不遠，契濶已兼旬。
寒竹瘦如鶴，老梅孤似人。
苦吟雙鬢短，拙守一身貧。
爲報南州客，溪山早曉春。

園居雜咏

風雨荒苔砌蕭然對野禽嘯歌今日事湖澥故人
心繫艇通漁浦開軒滿竹林客來常岸幘橫几有
鳴琴

馬

駿

再見

秋雲

一向寒山望輕陰遂合天羣遊光不定獨上色能
鮮舒卷風音內分明雁路邊移時秋興去攀宿纔
徒然

秋霞

夕嶺千峰秀昏開萬木陰殘曛何處繼織月此中
尋暫送棲鴉翼兼澄止水心離離將澹照曾目豁
彌深

秋星

太白高臨日秋邊正論兵照能分早路芒直射荒
營測象憐金闕窺天想玉衡少微今歷落注目向
殘更

秋山

白帝通呼吸寒空列嶂高木疎拋橡栗峽靜泣猿
孫江轉千盤道泉飛八月濤遙從天影外極目辨
織毫

秋塞

遼澗沙飛暗天山路轉迷一軍秋易哭萬馬夜長
嘶甲冑繁霜重荒燒冷月低何時方解戍無力念
深閨

秋圃

細徑猶焚柳荒廬已斲茅漫從溪水立靜看野烟
交菘色偏寒植蔬心賴晚苞莫言除架急剪摘佐
山肴

秋鷹

不仁雖汝性鳥祭擊初精愁目無遺照雄姿自橫
生饑來依壯士獵去出奇兵封有凌霄郡終嗟參
養輕

秋猿

五月羣生罷攀援遂盡能聯肱嬉飲澗命侶學懸
膝不倦當千仞哀啼下幾層山根羈客淚大半向

秋增

秋蛩

未涼聞振羽，名已易莎雞。及向繁生後，爭吟聽不齊。客眠徒反側，閨夢正荒迷。稍稍空牀下，吞聲避露凄。

秋鱸

秋饌誰分美，東南有細鱗。四腮浮澤國，巨口啜江濱。玉膾畱錢易，金齏着筋新。莫因風俗遠，千里並思尊。

秋蓼

幹立溪邊岸，根盤水畔灘。稀疎紅穗穩，翻覆白波殘。禦冷誠非分，長風敢怨寒。感時搖艇過，一一眼前看。

靳茶坡移居河北寄懷

亂離何所適，悲不在移居。爾旣營新築，予能守敝廬。山中名士駕，河上故人書。病起期良會，鶯花三月初。

清河道中

淮安詩城
荒荒古道長，沙草射殘陽。黃河秋渡馬，黑樹夜行人。
狼盜賊寒仍出，干戈歲稍藏。予懷隨望去，重爲恤人喪。

春雨

細雨春難曉，隨風吹不寒。柳肥黃及半，梅瘦白將闌。獨客開蓬戶，幽禽上藥欄。莫憐遊路滑，且喜小園寬。

茱萸灣道中

朝陟平岡去，驢蹄步步秋。來人沙樹末，卧犢水田頭。熱霧千村散，殘禾百畝收。前溪江路近，正好問漁舟。

江干夜泊

夜語人如夢，荒洲立半篙。燈懸青葦直，網掛白江高。飄泊三秋客，蒼茫八月濤。須臾山店近，先爲覓村醪。

行役

貧賤隨飄泊，何須憶舊居。但能開竹徑，不必選山廬。送日三升酒，驅憂一卷書。念君淮水北，高柳聽

鶯初

傷丘子中行早逝

蘭玉胡催折、師乎欲問天、
璧人方失望、珠樹不同妍、
有藁留誰讀、無言對母宣、
傷心昏冠後、莫說長殤年、

又

歲更終童減、神偏衛玠清、
隙駒方一過、猿淚又三聲、
修短原齊數、歡悲本不平、
東房形漸化、莫復悵虛生、

又

江東曾就傳、南漢復趨庭、
喪馬他鄉夢、衣衾此日形、
死生同落葉、聚散若分星、
最有情難忍、雙親恰百齡、

又

汝兒中省字、到適汝凶時、
教誨曾何及、泉臺詎有知、
鶴鶴秋失影、鴻雁晚生悲、
雙璧仍同峯、二荆感一枝、

程 淞 三見

蠹魚

微質全幽秀、翩然異螿蜂、自耽今古味、別運漢秦
鋒、風雅應無愧、儒生恐莫容、君各宜水族、此地獨
相逢、

丘象觀 三見

桐園

秦鹿初奔逸、桃源安得避、梧陰鳥雀幽、窠子天風
媚、世事盡干戈、道人獨酣睡、方瞳檢藥書、慎爾朱
門刺、

廣陵懷久也弟

最苦此離去、經年音信稀、關山牛馬走、天解燕鴻
飛、斥堠馮軍合、懷鄉怨月圓、望而不可見、涕淚暗
中揮、

閻若璩 再見

悼亡

何須今日淚、可哭在生前、藥味澆如水、燈光曉不
眠、性貞猶帶艷、心小祇容憐、自嘆文章賤、焉能爲
汝傳、

又

尚憶彌留際，還如聞道人。慧心終不變，遺語亦何真。歲月增多病，經營累老親。低徊想所歷，翻厭此孤身。

又

哭罷向誰語，蕭條空暮烟。人間雖改歲，地下是何年。舊雪迷鴻爪，新鶯泣杜鵑。三秋遺一女，珍重守杯棬。

劉謙吉 再見

漂母飯

為劉養上將，一飯亦胡榮。匹婦猶先識，重瞳况未明。王孫萋草歇，國士舊鄰更。近水多漂女，安然博母名。

蘇武節

武帝匈奴犯，中郎執節行。禁城雲萬里，歸路雁三聲。雪窖餘年恨，薇星徹夜橫。李陵如不屈，雙壁有齊名。

南州榻

今交路者肉食是其盟微縕已如此車乘豈復
迎古人用合好德始終成仲舉尚書令慇懃孺
子名

劉伶鍾

劉伶處晉亂終歲醉醒醒宇宙憑高步乾坤作寄
生閉關延白日攝氣駕蒼精一身多不定何處糾
微名

未顛石

不畏彈章集層巒出袖輕望之雲奕奕擊乃玉瑀
瑀微物蒙題重奇材忍屈成欣然呼石丈蠢塊竊
虛名

湯

渡

再見

將渡河北別友

相看酒欲罷秋水動予思七步君年少三都我壯
時山容隨意換雁語畏人知不爲傷南浦江淹重
別離

又

知交滿道路青眼向誰看衰草寒無色浮雲去未

安懷人當桂發卧病正秋殘星聚繇來少何如未
識韓

程

軒

字左車山陽人

萬年少業師陞西草堂

晚歲貧貧賤衡門烟水深窳風鳴佩玉蘿月引床
琴中夜看天地微吟問古今寧知陞西外江滌自
浮沉

李思聰

字順虛山陽人

秋夜懷陳古白

無事翻書刻悠然見友情十年如一夕半夜憶平
生已作修文吏難逢太乙精屋梁顏色杳皓月惜

空明

高啟晉

三見

晴

巖光忽已曙鳥雀遶谿喧遠雨明孤嶂歸雲暖一
村坐看春氣入行踏野香繁境境開新爽招僧過

北源

陸又深

再見

喜家大人新隱湖上別南公趨問

叩君纔割夢小艇意能幽人子一生志湖光數里
秋荇花香化水荷葉綠迷洲白髮今安此急來慰
友愁

蓮湖夜泛

閉戶吾心事孤光啟竹扉迷舟靈鳥喚靜水夜魚
飛花隱香猶住霞披月在幃其間尋不盡返棹影
依依

張共之

字紫賓山陽人

晚泊

四面天光合寒烟立水濱顏橋橫若艇枯木瘦如
人村白梅將老山青眼不貧江門來晚泊孤棹接
新鄰

吳璜

字姬望山陽人閉戶讀書不媿古人

官凝之以手錄關子明易書相授感贈

神物無終秘天心似啟余將開明主夢故授老人
書山鬼陰窺戶奇光夜抱廬感君千古意豈敢負
居諸

毛呈兆

字社臨沐陽人

登澥曙樓

明牕開八面清淨隔塵紛霧薄山窺日林疎鳥看
雲星河頭上近闔苑目前分欲作登樓賦慚無楊
子文

九龍澗

流響聲何急聽因漫曳筇龍涎噴冽洞虎嘯過花
宮惟石橫湔首痴雲倒撲胸眼前又絕巘數級上
高空

倒座崖

絕壑塵氛遠幽深隱翠微鶴來人得交雲歛石無
衣星影低頭見窠花貼屐飛寡營足自賞尋衲話
禪扉

王家胤

再見

石佛寺觀竹贈悟心上人

萬竿圍佛閣茲地昔全無乍出疑龍化羣生信鬼
輸天工如此幻道貌類斯癯應是憐僧苦驅來筍
作舖

王禮志

字于一安東人

雜咏

高人愛野墅隱興適吾娛澗火籬明滅林烟樹有
無揮杯爲上頓展卷卽專愚萬族思同侶蕭條戢
影孤

孫一致

字惟一鹽城人

村居

村戶偏宜閉蕭然賦索居因閒憐世短守靜悟窓
虛古木巢玄鳥方塘泛白魚坐來成獨嘯天地一

蘧篲

丘眺

字子高山陽人有逸才讀古善辨論

九日病中簡季貞弟

曉被秋催起單衫不禁寒霜威空凜冽亭菊自開
繁興較陶潛勝形同沈約殘鶴鶴原上草高處更
難看

是秋喪中行弟

又

人跡柴門戒黃花靜可憐病經秋已兩愁却酒無
邊萬國兵戎急孤城風雨偏高原沒健足遺恨自

今年

送張鞠存之燕

萬里辭今日揮杯語夜闌
病中還送客世亂勉爲
官酒渡黃河薄舟臨易水
寒相思應有夢關塞黑
漫漫

病起同郭無尚家季貞望月限韻

掃石邀閒侶清光看又圓
何時錦帶側昨夜小樓
前東野貧如病右丞詩帶禪
斷腸湖北水蒼翠映
天邊

宋

漢

字雲子鹽城人

別射陵弟

皆貧不易聚况又亂如斯
慘澹天心日霜風世路
時親知相會少晚暮日歸
遲歌罷送君去湯湯水
一涯

丘象升

四見

郊外口占

信步東臯外尋春過草堂
落花隨地坐濁酒問村
嘗野水溪溪綠林鶯箇箇
黃艷陽人自醉簫鼓惜

年芳

沂山

細路盤山谷驅車破曉嵐石渠穿野水茅屋隱瞿
曇日出峰皆白烟低樹盡藍古碑荒大道過眼不
曾探

穆陵關

巉巖蟠百里行盡不知名地絕迷昏曉雲深失雨
晴危崖人欲墜險道鳥猶驚一望收齊魯泱泱霸
國聲

西梁山

石磴紆層折登臨識禹蹤崖傾奔虎豹沙捲聚蛟
龍高閣陰晴變孤村草木封天門誰啟閉江水自
西春

懷季貞弟

吾弟多真氣抽心似小蠶勞歌誠可念孤影獨何
堪竟日編莊子常年弔雪菴應知寥落意還復問
湖南

江上阻風泊康溪山下

不識江臯路霜蘆着地葦天高來雁少澤國取魚
多客恨愁猿叫僧貧狎虎過丁丁誰伐木山徑採
樵歌

登小姑山

小姑屹立江中山根迴瀕里許險
絕難登同舟危之余另舟獨往及

登彼岸而名士幽人碑記纍纍先我而登
者不知其幾矣夫山以孤名山之品也衆
畏其孤而避之余愛其孤而就之則世之
遺世獨立者豈遂孑然無知己哉因有此
作

入目無虧蔽秋深江荻稀月翻鰲背出雲捲石鬢
飛插水偏標直羣峰盡削肥風波終日沸惟骨亦

何爲

客舟阻雪

萬山青不見一片逼天空漁艇江心白茶鑪火氣
紅風流慚謝氏僵卧歎袁公亦有剡溪棹烟波何
處通

陳

憐

三見

山莊

石門倚絕壁幽草連飛薨峰色到來失村烟幾處
生早塘雉過隴新畝大隨耕引派繞茅屋夜畱山

雨聲

張斯晟

字為成山陽人張璵若干父子兄弟皆善詩不為時移亦異事也

潤州飲錢古臣寓中

芳草天涯路今逢小阮來江濤翻老樹花蘓嚼殘
杯歲月予方壯乾坤爾尙孩吹簫人去遠回首釣

魚臺

秋思

旅館無人至高天一雁來干戈星欲摘鐵騎夜生
哀猛士歌風起佳人舞柘催黃花今滿地作賦有

誰哉

靳

器

字不窳山陽人靳應昇子

寄陸子御雲儀兄弟新構草堂

為愛村居好曾無車馬喧弟兄二陸似朝夕一家
言碧草初成徑春流引到軒遙懷當兩地何日始

登門

丁

謨

再見

歸雁

可憐雲裏雁獨自背人歸旅食聲猶壯鄉思影漸

稀月明古塞北沙暗售金微努力天邊路秋來爾
更飛

又

不盡關河路春風欲罷征稻梁他日事哀叫半年
情到北翻如客離南夢尙驚愁思從此斷孤旅弗
聞聲

送友人返石城

子去復何適吾憐送遠人論交今日少握手此情
真亂世無安土孤舟共老親三山江上路拭目看

風塵

堯蹤典

字虞書山陽人

和澣袍詩贈吳船子

仲連天下士千載竟如新不受青蠅玷何嫌紫陌
塵湖山存外史風雨老斯人野服逍遙去相看慕
子真

張

翔

字扶上山陽人

送喬敬五歸襄陵

作客非其志趨庭步大椿文心隨馬捷劔氣映秋

新晉問才多異龍門學已純來朝鵬翮奮莫憚寄
書頻

高于雲

字漢思山陽人

舊劍

不是塵埃物如何卧匣中寒鏃仍射斗精彩欲成
虹國士存知己雄圖待有功眼前無赤帝終夜哭
秋風

廢檠

孤檠支半臂曾許伴黃昏獨坐常憐影空山早閉
門乾螢同失照破屋但留痕風雨兼長夜瀟瀟孰
與論

卧鐘

只爲人皆醉晨昏久不鳴野風吹癡寺寒雨暗孤
城披草尋遺紐逢樵問舊名何須爭一擊此日合
吞聲

陸又暉

字子復宿遷人

遊峒崕歸山隱寺夜坐

共歷高深盡孤燈又細窮靜存千澗月默納一林

風洞應鶴來宿潭疑龍去空騁看今夜夢不入法
塵中

丘象豫

字仲慎山陽人

題扇上美人

閒步空山側飄然致不羣春風寒翠袖花氣晶羅
裙眉黛愁難掃秋波水共分所思終不見幽意若
浮雲

丘象益

字中行山陽人隨弟詩思天成每下筆
別有一種孝弟之性淮人士稱為白眉
昊天不弔竟使天下館童不輯失其遺
稿不復多見傷心之中又傷心者也

秋夜

蕭瑟林聲起星河夜色孤空園涼蟋蟀秋夢引江
湖燒燭窮醫術傾樽學酒徒愁來懷李白天未
在何途

九日限韻

野望愁無限天風木葉颺欲尋吹帽興因倩整冠
遊白眼時時酒黃花處處秋夕陽鴉色外吟眺未
能休

田蜀雋

字樂生山陽人

江行

舫行迷十日鷗鷺接蒼茫
抱膝風檣軟幙書葦路
長故人來燕子好夢過雷塘
漸覺寒侵袂江臯夜
有霜

張宿

字天中山陽人

早起

摠衣知夜盡曉坐覺神清
霧氣連花重朝曦上壁
明觀書雙眼捷理髮一
風輕兵甲漫天地含愁愧
遠征。

吳君鄰

字麟哉山陽人

幽居

踈傲平生癖園荒慰野心
緒風收酷烈曉氣發幽
陰歛足知苔厚防人喜
樹深詩書聊可樂何用重
南金

蔣陶

字逸仲鹽城人

無題

夢入紅雲去花竟曉
昵人妖合金谷氣艷奪錦江
春獺髓鑿終玷蓉脂
画未真風流誰得似洵是楚

王神

蘇國美

字眉生山陽人

喜逢路大叅督浙餉北上

借筋籌軍國宣勞茂壯猷熊車行按部鷲候待鳴
騶節暫山邊駐花爭水上流轉漕飛輓迅當事坐
銷憂

胡簡敬

字又弓沐陽人

新秋雨霽

積雨消殘夏金飈遍玉除雲開闔苑靜虹繞禁林
踈曉色凝秋樹晴暉照遠廬承明多景象真上逼
清虛

張遵法

字率章安東人

輓丘中行

驚鳥遶樹飛終夜月光圍人事何休咎天邊覽少
微豈期王子晉七夕嶺頭歸弱草輕塵裏如何不
永祈

劉昌言

字禹度山陽人

輓丘中行

庸醫真可殺寒顛自宜攻補去參成毒頰來血犯
曠求金皆質劑準藥共瞑蒙嘆息 高皇帝醫庠
別有宮

王家植

字融生山陽人

哭丘中行

子去如烟草其如衆未安燕都聞一怛漢口涕零
溥初吐月隨黑新礪劍已寒十年三哭子老母血
尤丹

劉芳譽

字良秀山陽人

哭丘中行

前輩烏程令東床選爾才小喬初嫁與中谷粹乾
摧夏綠霜凋碎春紅雹點埃兩門攢一哭難盡一
聲哀

尚玉弼

字右丞山陽人

哭丘中行

絳帳扶風內曾爲列魯儒詔君三鳳翼又出一丘
字夜讀鐘聲限朝叅背樹趨夾江賢太守猶擬入
鴻都

朱士全

再見

莊居

流水斜陽下孤村萬樹攢溪容霜後澹蛩語月中
寒秋熟堪爲酒庭餘可種蘭憑高舒望眼秋滿荻
花灘

早發大安

嚴裝乘曉發車馬正紛紜人影隨溪轉雞聲隔水
聞明霞遲日馭宿霧結峰紋故國渺無際遙心逐
鳥羣

水吉道中

路拆峰初轉泉鳴石亂巉危橋聯斷岸小閣補虛
巖春色飛紅雨晴光滿碧杉停車依樾蔭空翠染
征衫

胡

銓

三見

送陸永仲還下邳

登舟仍是子我去復何遲水與烟俱遠春當暮不
知菜花黃到眼蠶口白初絲惆悵高原上良儔別
此時

范策 字仲良流寓

荅沈四聲

頌我雲中字持看感舊衷只因貧共似未識病相
同棋局閒清晝庭花落午風寥寥長日坐不敢謂
時窮

范文燿 字介卿流寓

過通源寺

雪盡朝暉淨荒原路不迷野香隨屐擁湖氣自天
吹鐘靜鷗兼定帆行樹欲移春光何處覓消息寄

楊枝

海
之
詩
集



